



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Lvgdolfo Magdebvrgensi Archiepiscopo.

urn:nbn:de:hbz:466:1-20006

ferit voluntate. Et cum viginti sint Ecclesie vestrae Canonici, absente parte tertia, & nihil de ipsa electione sciente, XIX. Canonorum subscriptiones ibidem inventae fuerunt. Vnus etiam de praesentibus, nepos scilicet venerabilis fratris nostri Andegaven. Episcopi, minor XIV. annis, nec locum in Capitulo nec stallum habebat in choro. Alius etiam se tunc fuisse absentem, & quod contradixerit facto vestro, & appellaverit ante factam electionem, in auditorio nostro est publice protestatus. unde crimen falsi committentes poterant formidare. Cumque huiusmodi & similia objicerentur praefato W. tanquam reus delatos ante sententiam honores non poterat postulare, cum & secundum Canones valde grave sit & indecens ut vir, de quo talia referuntur, cum ante discuti & disquiri debeat, honoretur. Ad haec accedit, quod idem W. astrictus curiae nexibus perhibetur, & cum filios habeat undecunque, fraudulenter proponitur in Diaconum ordinatus. His igitur & similibus contra factum vestrum in nostro & fratrum nostrorum auditorio allegatis, cum nobis de veritate negotij constitisset, attendentes quod non statim qui accusatur reus est, sed qui convincitur criminofus, quamvis multa contra praefatum W. fuissent proposita, quia tamen nulla probata fuerunt, communicato fratrum consilio non ob impedimentum personae, sed propter electionis vitium, quod a vobis factum fuerat circa praemissam electionem duximus irritandum, universitati vestrae per apostolica scripta mandantes quatenus convenientes in unum, & Spiritus sancti gratia, sicut moris est, invocata, in patrem & Episcopum animarum vestrarum talem personam canonicè ac concorditer eligatis, quae tam praesse noverit quam prodesse; per cuius circumspeditionem providam & providentiam circumspedat Abrincen. Ecclesia, praeviente divina gratia & sequente, in spiritualibus & temporalibus valeat salubriter gubernari. Datum Laterani XVI. Kalend. Aprilis, pontificatus nostri anno secundo.

ABBATI SANCTAE MARIÆ de Casanova, ejusque fratribus tam praesentibus quam futuris regularem vitam professis in perpetuum.

Religiosam vitam eligentibus &c. usque ad verbum ut ordo monasticus, qui secundum Deum & beati Benedicti regulam atque institutionem Cisterciensium fratrum in eodem monasterio &c. usque ad verbum vocabulis. Locum ipsum in quo praefatum monasterium situm est, cum omnibus pertinentiis suis. Ex dono nobilis viri Berardi Comitis Laureti, terras cultas & incultas, vineas, & sylvas, quae his finibus concluduntur, videlicet a pede fluminis qui dicitur Scaone usque ad rivum Camardellae, & ascendunt per ipsum rivum Camardellae usque ad viam publicam quae vadit super sanctum Stephanum, & transit per ipsam viam, & revertitur in praedicto flumine Scaonis. Culturam Comitis Laureti, quae jacet in valle S. Stephani super viam & subter viam cum pertinentiis suis. Vineam de Castro Celere cum pertinentiis suis, & locum qui dicitur campus sacer cum suis pertinentiis. Sanè laborum &c. Liceat quoque vobis &c. Prohibemus insuper &c. Illud districtius inhibentes, ne terras &c. Ad haec etiam prohibemus, ne aliquis monachus &c. Licetum praeterea sit vobis in causis propriis &c. Insuper auctoritate apostolica inhibemus, ne ullus Episcopus in cujus parochia &c. Illud attendentes &c. Pro consecrationibus verò &c. Quod si sedes &c. Quia verò interdum &c. Porro si Episcopi &c. Paci quoque &c. Praeterea omnes libertates &c. Decernimus ergo &c. Salva sedis apostolicae auctoritate. Si qua igitur &c. Datum Laterani per manum Rainaldi Domini Papae Notarij, Cancellarij vicem agentis, XVI. Kalend. Aprilis, indictione secunda, incarnationis dominicae anno M CXCVIII. pontificatus verò Domini Innocentij Papae III. anno II.

Epist. 19. De confirmatione privilegiorum.

LVGDOLFO MAGDEBURGENSI Archiepiscopo.

Sperna providentia, quae populum humanum per diversa rectorum officia statuit in reatitudine gubernandum, pontificalem ad hoc tibi contulit dignitatem, ut per congruam executionem

Epist. 20. Ipsi dat facultatem beneficia ecclesiastica conferendi, & Praelatos ad obsequium cogendi.



officij tibi crediti sis aliis virtutis speculum & exemplar. Et licet omnium tibi subditorum cura generalis incumbat, tamen circa Ecclesias & ecclesiasticas constitutiones tibi sollicitudo imminet specialis, ut per tuam diligentiam Ecclesiarum ipsarum, prout convenit, ordinentur, & rite singulis ordinatis in eis divini cultus obsequia celebrentur. Nos igitur in his, in quibus cum Deo possumus, tibi favorem apostolicum impertiri volentes, ut officium tibi commissum valeas liberius exercere, tibi auctoritate presentium liberam concedimus facultatem ut praelationes, dignitates, prebendas, & cetera beneficia Ecclesiarum illarum quae sunt tibi metropolitico jure subiectae, appellatione cessante valeas idoneis conferre personis, si juxta constitutionem Lateranen. Concilij illi, ad quos pertinent, ad commonitionem tuam ea neglexerint ordinare. Tibi praeterea pagina presenti concedimus ut Praelatos tuae jurisdictioni subiectos per censuram ecclesiasticam auctoritate nostra praevia ratione compellas ad consueta & debita tibi obsequia exhibenda. Nulli ergo &c. Datum Laterani VII. Idus Aprilis, pontificatus nostri anno II.

**DECANO MAIORIS ECCLESIAE
Magdeburgen.**

Epist. 27.
Ipsi indulget ut
Decanatum
Magdeburgen-
sem retineat.

Sacrofancta Romana Ecclesia &c. *Susque ad verbum*, fili, super inopinato casu tuae cecitatis tibi plurimum condolentes, & gerentes erga te pia compassio affectum, personam tuam, cum omnibus quae in praesentiarum rationabiliter possides, sub beati Petri & nostra protectione suscipimus. Specialiter autem Decanatum ipsum Magdeburgen. Ecclesiae, sicut ipsum juste ac pacifice possides, devotioni tuae auctoritate apostolica confirmamus, & praesentis scripti pagina communimus, mandantes ut quod per te non poteris adimplere, per idoneum vicarium exequaris. Nulli ergo &c. Datum Laterani VI. Kal. Aprilis, pont. nostri anno II.

In veteri codice MS. Illustrissimi viri Joannis Baptistae Colberti superior epistola, non ad Decanum tantum, sed ad Decanum & Capitulum scripta dicitur, hoc modo: *DECANO & Capitulo Magdeburgen. Recipiuntur ipsi & bona eor. ut supra*, hoc est, sub protectione S. Petri & sedis apostolicae.

**ABBATI ET CONVENTUI
sancti Rufi.**

Sententia quae ex delegatione sedis apostolicae ratione praevia promulgatur, firma debet & illibata consistere; & ne in posterum aliquorum temeritate valeat perturbari, apostolico est munimine roboranda. Eapropter, dilecti in Domino filij, vestris postulationibus grato concurrentes assensu, sententiam quam venerabilis frater noster Rain. Lugdunen. Archiepiscopus in causa quae inter vos ex una parte & Hospitalarios ex altera super Ecclesia sancti Iacobi de Valentia vertebatur, ex delegatione sedis apostolicae noscitur promulgasse, sicut iuste lata est, nec legitima appellatione suspensa, & in ipsius Archiepiscopi authentico plenius continetur, ad exemplar bonae memoriae Celestini Papae praedecessoris nostri auctoritate apostolica confirmamus, & praesentis scripti pagina communimus. Nulli ergo &c. Datum Idibus Martij, pontificatus nostri anno II.

**P. SANCTAE MARIAE
in via lata Diac. Card. apostolicae
sedis Legato.**

Sollicitudinem tuam dignis in Domino laudibus commendamus, quae nec difficultas itineris, nec infirmitas corporis, nec debilitas aegritudinis revocare potuit, aut etiam retardare, quod minus festinares ad mandatum apostolicum adimplendum, & semen verbi dominici ac verbum pacis carissimorum in Christo filiorum nostrorum Ph. Francorum & R. Anglorum Regum illustrium auribus tam sapienter quam salubriter instillares. Dedit autem Dominus, qui est in se sperantium fortitudo, affectibus tuis in te nostris effectum, & eorundem corda Regum, indurata prius, ad vocem praedicationis tuae misericorditer emollivit, ut etsi nondum plenam pacem statuere potueris, inter ipsos treugas saltem quinquennes receperint, & a multis de verae pacis concordia per tuum studium ineunda speretur. Ut autem ad servandas treugas jam initas & statuendam plenam pacem melius valeas coercere rebelles, discretioni tuae auctoritate praesentium facultatem liberam indulgemus quicquid vel in Reges ipsos, vel in terras eorum, aut alios, & terras

Epist. 24.
Vt sententia
Lugdunensis
Archiepiscopi
pro ipsis lata
firma ratiq[ue]
maneat.

Epist. 27.
Ipsi indulget
in concordia
dis Gallorum
& Anglorum
Regibus laudat.

